



Nuuk, 13. juni 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

Innuttaasut Kalaallit Nunaanni politiinik qanoq naammaginnitsignerannut piaartumik misissuisoqarnissaa qulakkeerniarlugu Naalakkersuisut qanoq iliuuseqarnialersaarpat?

(Inatsisartuni ilaasortaq Juliane Henningsen, Inuit Ataqatigiit)

Tunngavilersuut:

Eqqartuussiveqarnermut Ataatsimiitaliarsuup aallarnigaanik 1990-kkut qiteqqunneranni innuttaasut Kalaallit Nunaanni politiinik qanoq naammaginnitsignerannut misissuisitsisoqarpooq. (1)

Danmarkimi innuttaasut akornanni politiinik qanoq naammaginnitsignerermut misis- suinerit kingullit 2008-mi aamma 2010-mi ingerlanneqarput. Tamannalu politiitigut aaqqissuusseqqinnermut 1. januar 2007-miit atuutilersumut atatillugu pivoq.

Kalaallilli Nunaanni – ilisimasakka naapertorlugit – Eqqartuussiveqarnermut Ataatsimiitaliarsuarli misissuisitsimmat kingorna suli misissuisoqaqqinqilaq. Maannalu kalaallit innuttaasut politiinik qanoq naammaginnitsignerannut misissuisimanermit ukiut 20-ngajaat qaangiussimalerput. (2)

Taamaniilli Eqqartuussiveqarnermut Ataatsimiitaliarsuup inassutigisai tunngaviga- lugit nunatsinni eqqartuussiveqarneq annertuumik aaqqissuussivigineqarsimavoq. Soorlu aamma politiit aaqqissuussivigineqarsimasut, politidistrikteq 16-iusimasut politiregioninit 5-aasunit immikkoortortaqrafilinnit taarserneqarsimallutik, nunalu tamakkerlugu piareersimaffiusumik centraleqalersimasoq (vagtcentral).

Tamanna tunngavigalugu aaqqissuusseqqissimanerit innuttaasut nunatsinni politiinik qanoq naammaginnitsignerannut sunniuteqarsimanersut misissuiffigissallugit

naapertuupput – aamma Kalaallit Nunaanni politiit sulinerminni sutigut pitsanngorsaasoqarnissaanik sutigullu innuttaasunik sullissilluarnerunissamik nukittorsaanissanik paasisaqaqqullugit.

- (1) Innuttaasut politiillu – Kalaallit Nunaanni innuttaasut politiit sulinerannut atatillugu misilittagaat isumaallu". Henrik Skydsberg, april 1996. Kalaallit Nunaanni Eqqartuussiveqarnermut Ataatsimiititaliarsuup saqqummersitaa.
- (2) Nunatsinni politiit sulinerannut ataatsimut isigalugu qanoq naammagisimaarinnitsiginermut misissuinerup takutippaa 81%-it naammagisimaarinnittut 19%-illu naammaginninngitsut. Politiit suliassanik pingaarnersiuinerannut tunngatillugu innuttaasut 53%-ii isumaqarput paasisitsiniaanerusinnaasut pinerlunnissamullu pineveersaartsinermut tunngatillugu ilinniartitsinerusinnaasut. 48%-it hashimut suliat suli pingaartinneqarnerulernissaannik kissaateqarput, 43%-illu isumaqarlutik pinerluffigineqarsimasut politiiniit aallunneqarnerusinnaasut.

Misissuineruttaaq takutippaa innuttaasut toqqaannartumik politiinik attaveqarsimasut qanoq naam-magisimaarinnitsigisut. Politiinut namminneq saaffiginnissimasut 80%-ii naamma-gisimaarinnipput, 20%-illu politiinik naammaginninnatik. Tassani innuttaasut poli-tiinit pilertortumik ikioqqusimasut 74%-ii naammagisimaarinnipput. Politiit nam-minneq saaffiginninnerisigut innuttaasut attavigineqarsimasut 78%-ii naammagi-simaarinnipput, 22%-illu naammaginnigatik, tigusarininnerit eqqarsaatigalugit 67%-it naammagisimaarinnillutik, 33%-it naammaginningsutsut.